

佛說師子月佛本生經

新附三秦錄失譯師名

如是我聞一時佛住王舍城迦蘭陀竹園與千二百五十比丘百菩薩俱爾時衆中有一

菩薩比丘名婆須蜜多遊竹園間緣樹上下聲如猿猴或捉三鈴作那羅戲時諸長者及行路人競集看之衆人集時身到空中跳上樹端作猿猴聲者闍崛山八萬四千金色獮猴集菩薩所菩薩復作種種變現令其歡喜時諸大眾各作是言沙門釋子猶如戲兒幻惑衆人所行惡事無人信用乃與鳥獸作於非法如是惡聲遍王舍城有一梵志上啓大王頻婆娑羅白言大王沙門釋子作諸非法乃與鳥獸作那羅戲王聞此語嫌諸釋子即勑長者迦蘭陀曰此諸釋子多聚獮猴在園中爲作何等如來知不長者啓王婆須蜜

多作變化事令諸獮猴一切歡喜諸天兩等持用供養爲作何等目所不知爾時大王頻婆娑羅駕乘名象與諸大眾前後導從往詣佛所到迦蘭陀竹園即便下象遙見世尊在重閣上身紫金色方身丈六坐七寶華三十二相八十種好皆放光明如紫金山處焰火

行一

八

中金光圍繞普令大眾同於金色尊者婆須蜜多及八萬四千獮猴亦作金色時諸獮猴見大王來或歌或舞擊鼓吹具作種種變中有採華奉上王者大王見已與諸大眾俱至佛所爲佛作禮右遶三匝却坐一面白佛言世尊此諸獮猴宿有何福身作金色復有何罪生畜生中尊者婆須蜜多復宿植何福生長者家信家非家出家學道復有何罪雖生人中諸根具足受持戒行與諸獮猴共爲伴侶歌語之聲聞如獮猴使諸外道戲笑我等惟願天尊慈哀我等分別演說令得開解佛告大王諦聽諦聽善思念之吾當爲汝分別

解說乃往過去無量億劫過是之前有佛出世名曰然燈十号具足彼佛滅後有諸比丘於山澤中修行佛法具阿練若十二頭陀堅持禁戒如人護眼因是即得阿羅漢道三明六通具八解脫時空澤中有一獮猴至羅漢所見於羅漢坐禪入定即取羅漢坐具被作

袈裟如沙門法偏袒右肩手擎香爐遶比丘行時到比丘從禪定覺此獮猴有好善心即爲彈指告獮猴言法子汝今應發無上道心獮猴聞說歡喜踊躍五體投地敬禮比丘起復採華散比丘上爾時比丘即爲獮猴說三歸依告言法子汝今隨學三世佛法應當

(行二)

九

求請受三歸依及以五戒爾時獮猴即起合掌白言大德憶念我今欲歸依佛法僧比丘告言汝當歸依佛歸依法歸依僧第二第三亦如是說歸依佛竟歸依法竟歸依僧竟第二第三亦如是說次當懺悔告獮猴言汝於前身無量劫來貪欲瞋恚愚癡邪見嫉妒憍慢誹謗破戒作諸惡事滿足十惡作五逆罪

謗方等經袞比丘尼偷僧祇物作衆重罪無量無邊我今生分已盡不受後有大阿羅漢能除衆生無量重罪所以者何我初生時與大悲俱生三世賢聖法皆如是亦與大悲俱共生世如是慇懃三爲獮猴說出罪懺悔既慢誹謗破戒作諸惡事滿足十惡作五逆罪

汝從今日至盡形壽受不殺戒三世諸佛諸阿羅漢永不殺生身口意淨汝亦如是爾時獮猴白羅漢言我願作佛隨大德語從於今日乃至成佛終不殺生是時羅漢聞獮猴語身心歡喜即授五戒法子汝從今日至盡形壽隨學佛法三世諸佛諸聲聞衆身業清淨常不殺生持不殺戒汝亦如是至盡形壽持不殺戒能受持不獮猴答言我奉持次受不盜不邪淫不妄語不飲酒亦如上法既受戒已時阿羅漢告言汝當發願汝是畜生現身障道但勤精進求阿耨多羅三藐三菩提

爾時獮猴發願已竟踊躍歡喜走上高山緣  
樹僻戲墜地而死由阿羅漢受五戒故破畜  
生業命終即生兜率天上值遇一生補處善  
薩菩薩爲說無上道心即持天華下空澤中  
供養羅漢羅漢見之即便微笑告言天王善  
惡之報如影隨形終不相捨時阿羅漢而說

偈言

業能莊嚴身 處處隨勝善 不失法如券  
業如負財人 汝今生天上 由於五戒業  
前身落獮猴 從於犯戒生 持戒生天梯  
破戒爲鑊湯 我見持戒人 光明莊嚴身  
七寶妙臺閣 諸天爲給使 衆寶爲牀帳

行二

十

摩尼華瓔珞 值遇未來佛 娛樂說勝法  
我見破戒人 墮在泥犁中 鐵犁耕其舌  
卧在鐵牀上 融銅四面流 燒煮壞其身  
或處於刀山 劍林及沸屎 灰河寒冰獄  
鐵丸飲融銅 如是等苦事 常爲身瓔珞  
若欲脫衆難 不墮三惡道 遊處天人路

超越得涅槃 當勤持淨戒 布施修淨命  
時阿羅漢說此偈已默然無聲獮猴天子白  
言大德我前身時作何罪業生獮猴中復有  
何福值遇大德得免畜生生於天上羅漢答  
言汝今諦聽善思念之乃往過去此閻浮提  
有佛出世名曰寶慧如來應供正遍知十号

具足出現於世三種示現般涅槃後於像法  
中有一比丘名蓮華藏多與國王長者居士  
而爲親友邪命詣曲不持戒行身壞命終以  
誰惑故猶如壯士屈伸臂頃落於阿鼻大地  
獄中如蓮華敷其身遍滿十八隔中雨熱鐵  
丸從頂而入百千猛火及熱鐵輪從空而下

無量無邊阿鼻地獄壽命一劫劫盡更生如  
是經歷諸大地獄滿八萬四千劫從地獄出  
墮餓鬼中吞飲融銅噉熱鐵丸經八萬四千  
歲從餓鬼出五百身中恒爲牛身又五百身  
生駝駝中又五百身生於豬中又五百身生  
於狗中又五百身生獮猴中緣前供養持戒

行一

十一

比丘結誓要重今復遇我沐浴清化得生天上持戒比丘即我身是放逸比丘即汝身是爾時獮猴天子聞此語已心驚毛豎懺悔前罪即還天上佛告大王彼獮猴者雖是畜生一見羅漢受持三歸及以五戒緣斯功德超越千劫極重惡業得生天上值遇一生補處

菩薩從是以後值佛無數淨修梵行具六波羅蜜住首楞嚴三昧住不退地於最後身次彌勒後當成阿耨多羅三藐三菩提王名寶光國云清淨如初利天生彼國土諸衆生等皆行十善具戒無缺佛号師子月如來應供正遍知明行足善逝世間解無上士調御丈

夫天人師佛卅尊若有衆生聞彼佛名生生之處常得遠離畜生之身除無量劫生死之罪佛告大王欲知彼國師子月佛今此會中婆須蜜多比丘是也時頻婆娑羅聞此語已即起合掌遍體流汗悲泣兩淚悔過自責向婆須蜜多頭面著地接足爲禮懺悔前罪佛

告大王欲知此等八萬四千金色獮猴乃是過去拘樓秦佛時波羅奈國俱跋彌國二國之中共有八萬四千比丘尼行諸非法與諸白衣通致信命犯諸重禁莊飾身體如乾闥婆女無有慙愧姪爲瓔珞諸犯戒事用爲華鬘豎髻慢幢擊貢高鼓彈放逸琴讚惡聲歌狂愚無智如癡獮猴見好比丘善好有德視之如賊爾時彼世有一比丘尼名善安隱得阿羅漢三明六通具八解脫到諸比丘尼所告言姊妹世尊在世常說此偈

若有比丘尼 不修行八敬 此非釋種女猶如旃陀羅 若有比丘尼 放逸犯八重當知是一切 天人中大賊 恒處阿鼻獄

經由十八閻 其餘二惡道 爲己園林處百千無量劫 不聞三寶名 亦噉燒鐵丸如是罪畢已 生於鳩鵠身毒蛇與鼠狼 蟠蛇百足等 如是諸雜類皆應經歷中

時諸比丘尼聞阿羅漢比丘尼說此偈已心懷忿恨罵詈惡言此老獮猴從何處來惡言妄語橫說地獄時阿羅漢見諸惡人生不善心即起慈悲身昇虛空作十八變時諸惡人見變化已各脫金環散阿羅漢尼上願我生身作金色前所作惡今悉懺悔惟願慈哀

憐愍我等受我供養時彼阿羅漢比丘尼即從空下受諸惡女種種供養時諸惡人身壞命終墮阿鼻獄如蓮華敷遍滿獄中亦復次第經歷諸餘十八大獄於諸獄中壽命正等各一大劫如是展轉九十二劫恒處地獄從地獄出五百身中恒爲餓鬼從餓鬼出一千身中常爲獮猴身作金色大王當知爾時八萬四千犯戒比丘尼罵羅漢者今此會中八萬四千諸金色獮猴是也爾時供養諸惡比丘尼者今大王是此諸獮猴因宿習故持華持香供養大王爾時汎彼比丘尼戒者今瞿迦梨及王五百黃門是佛告大王身口意業

不可不慎爾時世尊而說偈言  
戒爲甘露藥 服者不老死 戒德可恃佑  
福報常隨已 持戒得安隱 生處無患難  
亦當見諸佛 犹如此獮猴 生處恒卑賤 地獄苦切已  
大王當諦觀 止惡修諸善

行二

十三

爾時頻婆娑羅王聞說此偈對佛懺悔慚愧自責豁然意解成阿那含王所將衆八千人求王出家王即聽許佛言善來比丘鬚髮自落袈裟著身即成沙門頂禮佛足未舉頭頃成阿羅漢三明六通具八解脫王所將餘衆一萬六千人皆發阿耨多羅三藐三菩提心八萬諸天亦俱發心八萬四千金色獮猴聞昔因緣慚愧自責繞佛千匝向佛懺悔各各亦發無上菩提心隨壽長短各自命終命終之後當生兜率天值遇彌勒復更增進得不退轉爾時尊者摩訶迦葉見此事已告諸大衆菩薩行淨乃令畜生發於道心婆須蜜多

尚能如是大爲佛事況餘菩薩威德無量時  
諸天子山神地神天龍八部見諸獮猴發菩提心當生天上得不退轉心生歡喜而白佛言此諸獮猴幾時當得成佛佛告大衆過百萬億那由他阿僧祇恒河沙劫劫名大光於彼劫中當得成佛八萬四千佛次第出世同共一劫皆名普金光明王如來應供正遍知明行足善逝世間解無上士調御丈夫天人師佛世尊時會大衆聞佛世尊爲諸獮猴授菩提記即脫身上妙瓔珞供養如來及比丘僧異口同音讚歎世尊無量德行如來出世正爲此等諸獮猴類善哉世尊獮猴聞法尚得成佛豈況我等於未來世不成佛耶時會大衆聞佛所說歡喜奉行作禮而退

佛說師子月佛本生經二

行二

十四末

猿猴二音跳上上音吹貝下音帶反練若下者反汝天  
梯下湯融銅上余馳駝二音要重上平  
染失華鬘下莫反豁然活呼